



Bosna i Hercegovina
Босна и Херцеговина

Agencija za
identifikacione/identifikacijske
dokumente/isprave, evidenciju i razmjenu
podataka Bosne i Hercegovine



Агенција за
идентификациона документа,
евиденцију и размјену
података Босне и Херцеговине

Broj: 15-03-16-5-2-68/23
Datum: 25.10.2023. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 70. stav (2) Zakona o javnim nabavkama („Službeni glasnik BiH“, br. 39/14 i 59/22) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), Agencija za identifikaciona dokumenta, evidenciju i razmjenu podataka Bosne i Hercegovine donosi

O D L U K U o izboru najpovoljnijeg ponuđača

Član 1.

Najpovoljniji ponuđač u postupku javne nabavke **usluga servisiranja opreme za klimatizaciju za potrebe sjedišta Agencije** objavljenom na Portalu javnih nabavki Bosne i Hercegovine, Obavještenje o nabavci broj 1110-7-2-45-3-67/23 od 19.9.2023. godine i Ispravka za Obavještenje o nabavci broj 1110-7-2-45-8-69/23 od 26.9.2023. godine, koji je proveden postupkom konkurentskog zahtjeva za dostavljanje ponuda, je „**KLIMATIZACIJA JOVIĆ**“ Davor Jović s.p. Banjaluka.

Član 2.

Ova odluka se dostavlja ponuđaču u roku od tri (3) dana, a najkasnije u roku od sedam (7) dana od dana donošenja.

Član 3.

Ova odluka stupa na snagu danom njene objave na *web* stranici Agencije za identifikacione dokumente, evidenciju i razmjenu podataka Bosne i Hercegovine.

O b r a z l o ž e n j e

Nakon preduzetih aktivnosti, Komisija za provođenje postupka javne nabavke usluga servisiranja opreme za klimatizaciju za potrebe sjedišta Agencije (u daljem tekstu: Komisija) je konstatovala da je rok za prijem ponuda u postupku ove javne nabavke 17.10.2023. godine do 10:00 sati, te da je do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigla jedna (1) ponuda i to ponuđača „KLIMATIZACIJA JOVIĆ“ Davor Jović s.p. Banjaluka. Neblagovremenih ponuda nije bilo.

Komisija je prema specifikaciji navedenoj u Tenderskoj dokumentaciji, a nakon provedenog postupka analize i ocjene ponude, izradila Zapisnik o pregledu i ocjeni ponuda, u kojem su detaljno obrazloženi razlozi za izbor najpovoljnijeg ponuđača.



Zapisnički je konstatovano da ponuda ponuđača „KLIMATIZACIJA JOVIĆ” Davor Jović s.p. Banjaluka ispunjava sve zahtjeve u pogledu opisa predmeta nabavke i tehničkih specifikacija, odnosno da je kvalifikovana i prihvatljiva.

Nakon analize ponude, u postupku sa kriterijumom najniža cijena za izbor ponude, Komisija je zaključila da je najpovoljnija ponuda ponuđača „KLIMATIZACIJA JOVIĆ” Davor Jović s.p. Banjaluka, sa ukupnom cijenom ponude u iznosu od **2.560,00 KM bez PDV-a, odnosno 2.995,20 KM sa PDV-om**, koja u ekonomskom i tehničkom smislu u potpunosti zadovoljava zahtjeve ugovornog organa, te je dala preporuku da se donese odluka o izboru ovog ponuđača za najpovoljnijeg.

Na osnovu prijedloga Komisije, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog nezakonitog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od pet (5) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem Agencije, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

X 

DIREKTOR

Prof. dr. Almir Badnjević

Signed by: abadnjevic цифрано потписано / digitalno potpisano / digitally signed